



Aningaasaqarnermut aamma Aatsitassanut Ikummatissanullu Naalakkersuisoqarfik
Aatsitassanik Suliassaqarfinnut Avatangiisinut Aqutsisoqarfik

**Kapisillit eqqaani Annikitsumik misissuinissamut piiaanissamullu kisermaassilluni
pisinnaatitsissummik qinnuteqaat pillugu Kommuneqarfik Sermersuup tusarniaanermut
akissutaa.**

Kommuneqarfik Sermersuumi Isumaginninnermut, Suliffeqarnermut Inuussutissarsiornermullu Ingerlatsiviup tusarniaassutit kingusinnerpaamik 26. januaari 2015-imi killilerneqarsimasut, tiguai suliarylugillu, tusarniaanermullu tunniussaqaarnissamut periarfissinneqarsimanini qujassutigalugu. Tusarniaavigneqarsimasunut allattorsimaffimmi KNAPK, TPAK imaluunniit immikkoortortamut kattuffiit soqutiginnissinnaasut, tassunga ilanngullugit Nuup Kangerluata Ikinngutai, Timmiaq aamma Avataq ilaatinneqanngillat. Taakku tusarniaanermut ilanngussaqaarnissaminnut periarfissinneqartariaqarput, sapinngisamik siamasissumik tamakkiisumillu taamaattunik tusarniaasarnissaq siunertaasariaqarpoq. Taakku oqaatigineqartut aamma kommuneqarfiup maannakkut immikkoortumut qanittuanut qinnutigineqartumut tusarniaanermut akissutaani 6. januaari 2014-imi takuneqarsinnaapput, siunissamilu tusarniaavigneqartartut amerlineqartariaqarput. Immikkoortoq qinnutigineqartoq aamma Kommuneqarfiup tupigusuutigisaanik Nunagis-imi BMP License Mapimiluunniit ersinngilaq.

Kommuneqarfiup Kapisillit imeqarfianut killissarititaasup iluani aatsitassanut ikummatissanullu suliniutinut akuersissummik qinnuteqartoqarsinnaanera paasisinnaanngilaa. Tusarniaassummi paasissutissap taassuma ersinnginnera ernumanarpoq, kommuneqarfiullu paasissutissat taamaattut kommuneqarfiup innuttaasuinut pingaaruteqarluinnartut, ingerlatsiviullu tusarniaassutigineqartut pillugit naliliinerisa ilanngunneqartalernissaat kissaatigaa.

Namminersorlutik Oqartussat qinnuteqaat tamanna akuersissutiginiarlugu siunniuppagu, kommuneqarfimmit Kapisilinni imeqarnerup qulakkeernissaanut qanoq iliuuseqartoqarnissaa pillugu ilisimatinneqarnissani kissaatigaa.

Kommuneqarfik Sermersuup tusarniaassutigineqartumi suliniutit akuerineqartut saniatigut suliniutaasinnaasut pillugit tusarniaasoqarnissaa naatsorsuutigaa.

Suliniummumt atatillugu sumiiffimmi najugallit akornganni sulisunik atorfinitsitsinissaq kommuneqarfiup assut pingaartippaa, tamatumalu saniatigut ataavartumik suliniut pillugu paasitinneqartarnissani aamma kommuneqarfiup pingaartippaa.

Tusarniaanermut akissut allaffissornikkut suliarineqarpoq, tassungalugu atatillugu, politikikkut tusarniaassutip oqaluuserineqarnissaa periarfissaasimanngimmat, kingorna politikikkut oqaluuserineqarnissaat sillimaffigineqassaaq.

Inuulluaqqusillunga // Med venlig hilsen //Best Regards

Grethe Nielsen

Isumaginninnermut, Suliffeqarnermut Inuussutissarsiornermullu Pisortaq